



Broj: 01/2-04-3541-2/22
Breza, 08.12.2022. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14) i člana 39. Statuta Općina Breza („Službeni glasnik Općine Breza“ broj: 7/21), na Preporuku Komisije za javne nabavke (broj 02/1-2-11-3542-7/22 od 29.11.2022. g.) u postupku javne nabavke robe: „Nabavka i montaža inverter klima“ Općinski načelnik, d o n o s i

ODLUKU
o izboru najpovoljnijeg ponuđača
„Nabavka i montaža inverter klima“

Član 1.

Prihvata se Preporuka Komisije za javnu nabavku (broj 02/1-2-11-3542-7/22 od 29.11.2022. godine) i Ugovor za javnu nabavku robe: „Nabavka i montaža inverter klima“ dodjeljuje se izabranom ponuđaču „SES“ d.o.o. Sarajevo, ponuda (broj 441/22 od 24.11.2022. godine), za ponuđenu cijenu 6.850,00 KM bez PDV-a, odnosno 8.014,50 KM sa PDV-om.

Član 2.

- (1) Prijedlog Ugovora o nabavci dostavit će se na potpis izabranom ponuđaču u roku od 10 (deset) dana računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u skladu sa članom 45. stav (1) tačke c) i d) Zakona o javnim nabavkama u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, a prema tački C)1)1. tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu, svako u okviru svojih nadležnosti.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-3542/22 i Odlukom o pokretanju postupka javne nabavke broj: 01/2-04-3541/22 od 17.11.2022. godine.

Javna nabavka je provedena putem postupka konkurentskog zahtjeva za dostavu ponuda.

Procijenjena vrijednost javne nabavke robe: „Nabavka i montaža inverter klima,“ bez PDV-a iznosi 5.555,50 KM.

Tenderska dokumentacija broj:02/1-2-11-3542-1/22 od 18.11.2022.godine i Obavještenje o nabavci broj:726-7-1-75-3-48/22 od 18.11.2022. godine su objavljeni na Portalu javnih nabavki.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 16 (šesnaest) ponuđača. Izvještaj o preuzimanju Tenderske dokumentacije od strane ponuđača je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem (broj 01/2-04-3541-1/22 od 28.11.2022. godine).

Komisija za javnu nabavku dostavila je dana 29.11.2022. godine, Zapisnik o pregledu i ocjeni ponuda, broj: 02/1-2-11-3542-6/22 i Preporuku o izboru najpovoljnijeg ponuđača, broj: 02/1-2-11-3542-7/22 u postupku javne nabavke: „Nabavka i montaža inverter klima.“

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna)
- da je blagovremeno zaprimljena 1 (jedna) ponuda
- da nije bilo neblagovremeno zaprimljenih ponuda
- da je ponuda ponuđača: „SES“ d.o.o. Sarajevo, prihvatljiva ponuda.

Ponuđač je dostavio sljedeće cijene ponude:

Naziv / ime ponuđača		Ponuđena cijena bez PDV-a	PDV	Ponuđena cijena sa PDV-om
1.	„SES“ d.o.o.Sarajevo	6.850,00	1.164,50	8.014,50

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije.

S obzirom da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama i članom 3. stav (3) Pravilnika o uslovima i načinu korištenja e-aukcije (Službeni glasnik BiH, broj 66/16).

Procijenjena vrijednost javne nabavke robe:„Nabavka i montaža inverter klima,“ bez PDV-a iznosi 5.555,50 KM.

Ponuđač „SES“ d.o.o.Sarajevo je ponudio da će robu isporučiti i montirati po cijeni 6.850,00 KM bez PDV-a, koja je veća u iznosu 1.294,50 KM, bez PDV-a od procijenjene vrijednosti.

S tim u vezi, Komisija donosi zaključak da se predmetna nabavka poništi iz razloga propisanih članom 69. Stav (2) tačka e) Zakona o javnim nabavkama Bosne i Hercegovine („Službeni glasnik BiH“ broj 39/14), odnosno iz razloga što je cijena prihvatljive ponude veća od obezbijedenih sredstava za predmetnu nabavku.

Ukoliko Ugovorni organ obezbijedi nedostajuća sredstva i ako utvrdi da je najpovoljnija ponuda u skladu sa tržišnim uslovima i da može obezbijediti dodatna sredstva za realizaciju nabavke, u tom slučaju može izvršiti izbor najpovoljnije ponude za javnu

nabavku robe: „Nabavka i montaža inverter klima,“ i dodijeliti ugovor ponuđaču „SES“ d.o.o.Sarajevo, ponuda (broj 441/22 od 24.11.2022. godine), za ponuđenu cijenu 6.850,00 KM bez PDV-a, odnosno 8.014,50 KM sa PDV-om.

Ugovorni organ je, u skladu sa preporukom Komisije, ustanovio da je ponuda u skladu sa tržišnim uslovima (dopis broj: 02/1-11-3722/22 od 02.12.2022. godine), obezbijedena su nedostajuća sredstva (Odluka o preraspodjeli sredstava planiranih na budžetskim stavkama za 2022. godinu, broj:01/2-11-3747/22 od 06.12.2022. godine), te je utvrđeno da su ispunjeni uslovi za prihvatanje ponude ponuđača „SES“ d.o.o. Sarajevo, ponuda (broj 441/22 od 24.11.2022. godine), za ponuđenu cijenu 6.850,00 KM bez PDV-a, odnosno 8.014,50 KM sa PDV-om.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke. Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu, Salih Hasanspahić _____

Obrađivač: Jasmina Došlić _____

DOSTAVLJENO:

1x „SES“ d.o.o.Sarajevo

1x Služba za privredu

1x Služba za finansije, inspeksijske poslove i opću upravu

1x Viši samostalni referent - administrator mreže

1x Evidencija

1x a/a

OPĆINSKI NAČELNIK

Vedad Jusić

3 / 3